

■ 炎明熹後悔吃了中藥，不能捐血。

■ 炎明熹很开心跟粉絲一齊做善事。

剛完成3場演唱會的炎明熹(Gigi)稍作休息後，上周六出席由「炎明熹粉絲後援會」舉辦、特別在Gigi生日月進行的捐血及義賣日活動，非常有意義。對於在演唱會的精彩跳唱獲外界激讚，Gigi透露正籌備跳唱歌，更預告會以型到爆的新形象示人！

生日周舉辦捐血及義賣日活動

## 炎明熹「型」接挑戰

# 預告出跳唱歌

■ 大批粉絲通宵排隊買炎明熹的黑膠碟。

炎明熹人美心善，百忙中都會抽空做慈善。上周六她出席由歌迷會舉辦的捐血及義賣日活動，Gigi說：「今次活動由舊年7月開始籌備，當時我都未知可唔可以出席，所以好開心同歌迷一齊做善事。除咗捐血之外，我哋仲有個義賣區，收益扣除成本全數捐贈APF愛培自閉症基金，為來自基層自閉症小朋友提供ABA治療，同埋為佢哋家庭提供支援服務。」當日活動除了部分義賣精品被歌迷搶購一空，亦有約100位歌迷報名捐血，每位成功捐血的歌迷可獲贈印有卡通版的「Gi 囡鎖匙扣」。原本Gigi打算以身作則捐血救人，可惜到場閱讀捐血守則時，才發現服用過中藥不能捐血，她即時扁嘴兼用「好失敗」形容自己，非常失望！

黑膠碟全城斷貨

上周六除了是後援會的慈善活動，也是Gigi人生首張

實體唱片推出的大日子。為響應香港唱片店日，Gigi第一首派台歌《真話的清高》被印製成7吋黑膠唱片發售，由於是限量發行，多區唱片店外出現通宵排隊的人龍。Gigi說：「有歌迷凌晨4點開始排隊，知道呢個消息感動到起雞皮，好多謝大家嘅支持。」

活動前一晚，Gigi在社交網開Live分享開騷點滴。她坦言尾場完騷一刻激動得不斷落淚，內心非常不捨：「不過當晚都有開心嘅時刻，因為終於可以飲汽水，到第二日，因為爸爸媽媽同細妹要走，陪完佢哋飲茶送佢哋離開，我就返屋企執屋，之後打邊爐，因為做騷我會避免食濃味同刺激嘅食物。」提到演唱會跳唱環節獲外界一致讚好，Gigi收到大家的意見，預告正籌備一首跳唱歌，她說：「已經揀咗歌，但未開始錄音，因為仲研究緊點樣可以再做好啲。首歌你會幻想到有一個人、戴住頂帽啲度『撻』手指好有型，希望首歌可以做到我哋想要嘅效果，或者畀大家見到另一種風格嘅Gigi。」

## 姚焯菲 唔介意好友搶風頭

姚焯菲(Chantel)和呂慧儀昨日到藍田出席母親節活動，製作蔬菜花束，Chantel獲一班「小菲象」(粉絲暱稱)到場支持。Chantel表示今個星期要回新西蘭上學，故會提早慶祝母親節。提到日前她在活動跳唱新歌，有網民指兩位女舞蹈員比她更搶鏡，Chantel說：「冇留意，因要專心溫書，好少睇留言。」她大方讚兩位舞蹈員靚女，不會換走她們，因兩人都是她的好友，故沒有不开心：「當係宣傳新歌。」

■ 呂慧儀(左)讚姚焯菲很可愛。

## 陳家樂演技 獲世界認可

由曾志偉、恬妞、陳家樂與周家怡主演的英皇電影《出租家人》，獲邀於《第18季芝加哥亞洲躍動電影節》閉幕之夜盛大獻映，家樂同時獲頒「璀璨之星」大獎，他與導演劉偉恒專程飛到芝加哥出席。問到上台領獎前可會緊張？家樂說：「之前冇太大緊張，可能一早被通知，唔會有突然公布嗰種驚喜，但當我上台領獎時好感觸，發現自己嚟呢行已一段時間，原來都有人睇到，而且唔限啱香港，世界各地都有人留意我嘅作品，對我嚟講係好大概鼓舞。」

■ 陳家樂榮幸奪「璀璨之星」大獎。



■ 林淑敏指《愛》劇會陸續加入新角色。

■ 滕麗名祝蘇韻姿有好發展。

## 林淑敏 滕麗名 不捨「弟妹」離巢

林淑敏、許家傑、滕麗名與古佩玲等昨日在將軍澳電視城宣傳處境劇《愛·回家之開心速遞》，眾人分組玩遊戲宣揚環保。提到林淑敏與滕麗名劇中的弟妹鄭世豪及蘇韻姿相繼離巢，林淑敏表示非常不捨：「但外面可以見到佢，佢唱歌好叻，出面都有好多工作機會，關係會一直維持，係一

生一世，佢跳出去試新嘢都幾好。」滕麗名則說：「有同蘇韻姿食飯保持聯絡，當然唔捨得。(離巢有冇問你意見?)唔好咁多人知好啲，會左右佢決定。」

古佩玲表示跟蘇韻姿私下很老友，閒時會一起放狗，加上同樣曾在加拿大生活，同聲同氣，希望對方離巢後會有好發展。

